



ДУНДГОВЬ АЙМАГ ДАХЬ
ПОЛИТЕХНИК КОЛЛЕЖИЙН
ЗАХИРЛЫН ТУШААЛ

2022 оны 11 сарын 15 өдөр

Дугаар А/51

Мандалговь

「Хүүхэд хамгааллын бодлого батлах тухай」


Монгол Улсын Хүүхэд хамгааллын тухай хуулийн 2 дугаар бүлгийн 6 дугаар зүйл, Хүүхдийн эрхийг хамгаалах тухай хуулийн 18 дугаар зүйлийн 18.1 дэх заалт, Хүүхдийн төлөө үндэсний зөвлөлийн 03 дугаар тогтоолыг үндэслэн тушаах нь:

1. Дундговь аймаг дахь Политехник коллежийн хүүхэд хамгааллын бодлогыг хавсралтаар баталсугай.
2. Хүүхэд хамгааллын нэгжийн гишүүдэд байгууллагын хүүхэд хамгааллын бодлогыг хэрэгжүүлж ажиллахыг үүрэг болгосугай.

ЗАХИРАГ *Ю.Цолмон* Ю.ЦОЛМОН



Захилын 2022 оны 11 сарын
15 ны өдрийн 157 тушаалын
... хавсралт



ДУНДГОВЬ АЙМАГ ДАХЬ ПОЛИТЕХНИК КОЛЛЕЖИЙН ХҮҮХЭД ХАМГААЛЛЫН БОДЛОГО

2022.11.12

Сайнцагаан сум

1. НИЙТЛЭГ ҮНДЭСЛЭЛ:

НҮБ-ын Хүүхдийн Эрхийн Конвенц, Монгол Улсын Хүүхдийн Эрхийг Хамгаалах тухай хууль, Монгол улсын хүүхэд хамгааллын тухай хуулийн дагуу хүүхэд бүр хүчирхийлэл, дарамт, мөлжлөг, үл хайхрах байдлаас хамгаалуулах эрхтэй. Хүүхдийг хамгаалах нь хүн бүрийн үүрэг. Ийм учраас хүүхэд гэр бүлтэй ажилладаг байгууллага, хүмүүс хүүхдийн эсрэг хүчирхийлэл, хүүхдийг хүчирхийллээс хамгаалахад өөрсдийн гүйцэтгэх үүргийн тухай сайн ойлгох шаардлагатай.

Иймд хүүхдийн эрхийн тухай хууль тогтоомж, хүүхдийн төлөө үндэсний зөвлөлөөс гаргасан Хүүхэд хамгааллын бодлогын жишиг баримт бичгийг хэрэгжүүлэхэд энэхүү хүүхэд хамгааллын бодлого чиглэгдэнэ.

2. ЗОРИЛГО:

- Хүүхдийн эсрэг хүчирхийлэл мөлжлөг үл хайхрах байдал нь хүүхдийн эрхийн ноцтой зөрчил гэдгийг хүлээн зөвшөөрсний хувьд манай байгууллага, хамт олон Хүүхэд хамгааллын бодлогыг хэрэгжүүлэн хүүхдийг хүчирхийллээс урьдчилан сэргийлэх, хамгаалах үйлсийг байгууллагынхаа соёлд нэвтрүүлсэн хамт олон болж, хүүхдийг хүндэтгэсэн нийгмийг төлөвшүүлэхэд хувь нэмрээ оруулна.
- Хүүхдийн эсрэг дарамт хүчирхийлэл, мөлжлөг, үл хайхрах байдал, дээрэлхэх нь хүүхдийн эрхийн ноцтой зөрчил тул урьдчилан сэргийлэх, хамгаалахын тулд сургууль Хүүхэд хамгааллын бодлогыг хэрэгжүүлж, үйл ажиллагаандаа гарч болох хүүхэд хамгааллын зөрчлийн бүхий л эрсдэлийг бууруулан ажиллана.

3. ҮНДСЭН ЗАРЧИМ

Хүүхдийн эрхийг дээдлэх:

Бид хүүхдийн эрх, язгуур эрх ашиг, тэдний аюулгүй байдлыг нэгдүгээрт тавина.

Хүүхдийн эсрэг хүчирхийллийг огт хүлээн зөвшөөрөхгүй:

Манай хамт олон хүүхдийн эсрэг хүчирхийллийн аливаа хэлбэртэй хэзээ ч эвлэрэхгүй. Хүүхдийн аюулгүй байдал, сайн сайханд эрсдэл учруулах хүнийг хүүхэдтэй ажиллах, хамт олны дунд байхыг хүлээн зөвшөөрөхгүй.

Хүүхдэд хор хөнөөл учруулахгүй байх:

Бид үйл ажиллагаагаа төлөвлөж, хэрэгжүүлэхдээ хүүхдийг ямар нэг дарамт, хүчирхийлэл, мөлжлөг, ялгаварлан гадуурхагдах байдалд оруулахгүйгээр, хүүхдийн эрх ашгийг дээд зэрэгт тавихаар зохион байгуулна.

Эрсдэлийг тооцох, үнэлэх, сэргийлэх:

Бидний явуулж байгаа үйл ажиллагаанд хүүхдийг хүчирхийлэл, мөлжлөг, үл хайхрах байдалд оруулж болзошгүй аливаа эрсдэл байгаа эсэхийг судалж, эрсдэлийг бууруулах, хор нөлөөг нь багасгахад байнга анхаарч ажиллана.

4. ХАМРАХ ХҮРЭЭ

Энэхүү бодлого нь байгууллагын удирдлага, үндсэн болон гэрээт бүх ажилтан, албан хаагчид, багш, сайн дурын ажилтан, дадлагын багш /дадлагын оюутан/ судлаачдад хамаарна.

5. ЗОХИОН БАЙГУУЛАЛТ:

- Удирдах албан тушаалтан, багш, ажилтан, суралцагч, эцэг эх, асран хамгаалагчийн бүрэлдэхүүнтэй “Хүүхэд хамгааллын нэгж”-ийг захирлын тушаалаар байгуулна. Нэгж нь сургуулийн хүүхэд хамгааллын бодлогыг хэрэгжүүлэх ажлыг төлөвлөж, зохион байгуулна. Нэгжийг сургуулийн нийгмийн ажилтан удирдан чиглүүлнэ.
- Бодлогыг нийт хүүхэд, багш, ажилтан, бусад хүмүүст харагдахуйц газар байнга байрлуулна.

6. ҮЙЛ АЖИЛЛАГААНЫ ЖУРАМ

Хүүхэдтэй ажилладаг байгууллага нь хүүхэд хамгааллын зөрчлөөс урьдчилан сэргийлэх, эрсдэл бууруулах, мэдээлэл хүлээн авах, хариу үйлдэл үзүүлэх арга хэмжээг авч хэрэгжүүлнэ. Үүнд:

1. УРЬДЧИЛАН СЭРГИЙЛЭХ

Сургалт сурталчилгаа, мэргэжлийн туслалцаа:

- Ажилтнуудад хүүхдийн эрх, хүүхэд хамгаалал, эерэг хүмүүжлийн арга, холбогдох хууль эрхийн актуудын талаар мэдээлэл өгч, сургалт явуулна.
- Хүүхдийн эсрэг хүчирхийлэл, хүүхэд хамгааллын бусад асуудлууд, хор нөлөөний талаар ажилтнуудад сургалт явуулж, хүүхдийн эсрэг хүчирхийлэл, дарамт, дээрэлхэлт сургуулийн дотор байж үл болох талаар нээлттэй ярилцаж, аливаа зөрчлийг нуун дарагдуулдаггүй соёлыг төлөвшүүлнэ.
- Ажилтнуудыг ажил мэргэжлийн онцлогт шаардлагатай мэдээлэл, мэргэжлийн удирдлагаар хангана.
- Хүүхэд хүмүүжүүлэх уламжлалт болон орчин үеийн хүмүүжлийн эерэг арга, амьдрах ухааны чадвар эзэмшүүлэх сургалтын ажилд хэрхэн ашиглах, хэрэглэх тухай сургалтад бүх багш, ажилтныг хамруулна.

Ажилтан шалгаруулах:

- Хүүхдэд хор хохирол учруулж болзошгүй хүнийг ажилд орохоос урьдчилан сэргийлэхийн тулд хүүхэдтэй зүй бусаар харьцаж байсан эсэх, хүүхэдтэй харьцах чадварыг ажилтан шалгаруулах үзүүлэлтэд оруулна.
- Ажлын орон тоог зарлахдаа **“Бид Хүүхэд хамгааллын бодлого хэрэгжүүлдэг байгууллага. Бид хүүхдийн эсрэг хүчирхийлэл, дээрэлхэлтийг тэвчихгүй”** гэж тусгана.
- Ажилд орохыг хүсэгч нь өргөдөлдөө **“Байгууллагын хүүхэд хамгааллын бодлогыг хүлээн зөвшөөрнө”** гэсэн мэдэгдэл хийнэ.
- Ажилд орохыг хүсэгчийг 2-оос дээш жилийн хугацаанд таних 2 хүнээс зан байдлын тодорхойлолт гаргуулна. Тэр нь гэр бүлийн гишүүн байж болохгүй. Тодорхойлолтыг гаргуулахдаа “Хавсралт 1” – д өгсөн загварыг ашиглаж болно.

Хүүхэд хамгааллын ёс зүйн дүрэм:

- Нийт ажилтнууд болон шинээр ажилд орж байгаа хүмүүс Хүүхэд хамгааллын ёс зүйн дүрэм (Хавсралт 2)-тэй танилцан гарын үсэг зурна
- Хүүхэд хамгааллын ёс зүйн дүрмийг зөрчсөн ажилтанд зөвлөх, зааж сургах, сахилгын арга хэмжээ авах, үүрэгт ажлаас нь өөрчлөх, түтгэлзүүлэх, чөлөөлөх эсвэл хуулийн хүрээнд шийдвэрлүүлэхээр ажлын гэрээнд тусгана. Энэ нь багшийн багшлах эрхийн үнэмлэхийн заалттай холбоотой байна.

2. ЭРСДЭЛИЙГ БУУРУУЛАХ

- Хүүхдэд хор хөнөөл учруулж болзошгүй эрсдэл байгууллагын үйл ажиллагаанд оршиж байгаа эсэхэд судалгаа хийж, эрсдэлийг бууруулах төлөвлөгөө боловсруулан хэрэгжүүлнэ.
- Сургууль бүр онцлогтоо тохируулан Хүүхдийн хувийн нууцыг хадгалах, хүндэтгэх журам (Хавсралт 3) батлан хэрэгжүүлнэ.
- Хүүхэдтэй шууд тулж ажилладаг 18 хүртэлх насны хүүхэд амьдардаг дотуур байр ажиллуулдаг бүх шатны сургуулиуд эрсдэлийг бууруулахын тулд дараах нэмэлт арга хэмжээг авна.

- Хүүхэд байгаа орчны аюулгүй байдал:

- Хүүхдийн амьдардаг, амардаг, сурдаг орчинд гадна болон дотоод орчны зүгээс болзошгүй хүчирхийлэл, дээрэлхэлт, дарамтаас сэргийлэх бүхий л арга хэмжээг авна. Хүүхдийг дотуур байр, зусланд байрлуулахдаа нас хүйс, хөгжлийн бэрхшээл болон хүүхдийг эмзэг байдалд оруулж болзошгүй бусад эрсдэлийг бий болгож болзошгүй хүчин зүйлүүдийг харгалзан үзэж аюулгүй орчинг бүрдүүлнэ.
- Хүүхдийг харгалзах, хамгаалалгүйгээр орхихгүй байх арга хэмжээг авна.

- Хүүхдийн оролцоо:

- Хүүхдүүдэд Хүүхэд хамгааллын бодлогыг тэдэнд ойлгомжтой хэлбэрээр танилцуулж, санал бодлыг бодлогод тусгана.
- Хүүхдэд зориулсан Хүүхэд хамгааллын бодлогын хувилбарыг тэдэнд ойлгомжтой хэлбэрээр боловсруулна.
- Өөрийгөө хамгаалах болон бусад хүүхдийн эрхийг хүндэтгэх талаар хүүхдүүдэд мэдээлэл өгч, сургалт сурталчилгаа явуулна.
- Хүүхдүүдтэй зөвлөлдөн тэдэнд зориулсан зөрчил, эрсдэлийг аюулгүйгээр мэдээлэх арга механизмыг тодорхойлно. Хүүхэд мэдээлэх үүрэг хүлээхгүй, харин тэднийг мэдээлэхийг дэмжинэ.
- Байгууллагын дотоод мэдээллийн механизмыг ашиглах нь зарим тохиолдолд хүүхдэд эрсдэл авчирдаг тул байгууллагаас гаднах хүүхэд хамгааллын үйлчилгээнд мэдээлэхийг дэмжинэ.
- Байгууллагын дотоод мэдээллийн механизмыг ашиглах нь зарим тохиолдолд хүүхдэд эрсдэл авчирдаг тул байгууллагаас гаднах хүүхэд хамгааллын үйлчилгээнд мэдээлэхийг дэмжиж, холбогдох хаягийг өгнө.
- Мэдээлэл өгсөн хүүхдийн аюулгүй байдлыг хангана.

- Эцэг эхийн оролцоо

- Эцэг эхчүүдэд Хүүхэд хамгааллын бодлогын тухай мэдээллийг өгнө.
- Хүүхдэд, ялангуяа бага насны хүүхдэд учирсан зөрчлийг хэрхэн таних, мэдээлэх талаар эцэг эхэд зөвлөгөө өгнө.

- **Үе тэнгийнхний хүчирхийлэл, дарамт, дээрэлхэлт**

- Хүүхдийн эсрэг хүчирхийлэл үйлдэгч нь зөвхөн насанд хүрэгч байдаггүй, хүүхэд бас байж болдгийг сайн ойлгож хүүхэд хүүхдээ хүчирхийлэх, дарамтлах, дээрэлхэх үзэгдлийг арилгахын тулд хүүхдийн бүх төлөөллийг оролцуулан эрсдэлийг тооцож, бууруулах бүхий л арга хэмжээг авна. Үүнд амьдрах ур чадвар эзэмшүүлэх сургалт явуулах, хүүхдийн зан үйлийн зөрчлийг шийдвэрлэх журмыг хүүхдүүдтэй хамтран боловсруулах зэрэг үйл ажиллагаа орно.
- Хүүхэд хүчирхийлэл үйлдсэн тохиолдолд хариу авах үйлдлийг хүүхдийг оролцуулан боловсруулна.

3. ЗӨРЧЛИЙН ТАЛААРХ МЭДЭЭЛЛИЙГ ХҮЛЭЭН АВАХ

- Багш, ажилтан болон бусад хүн бүр хүүхдийн эсрэг аливаа хүчирхийлэл, дээрэлхэлт, мөлжлөгийн талаар сургуулийн удирдлага болон хүүхэд хамгааллын нэгжийн ажилтанд шууд мэдээлэх үүрэгтэй.
- Байгууллага хүүхэд хамгааллын зөрчлийг мэдээлэх, мэдээлэл хүлээн авах, хариу үйлдэл үзүүлэх механизм (Хавсралт 4)-ыг боловсруулан мөрдөнө. Мэдээллийн эх үүсвэр, төрөл нь:
 - Сургуулийн багш, ажилтан болон бусад хүмүүс Хүүхэд хамгааллын ёс зүйн дүрмийг зөрчсөн болон зөрчсөн байж болзошгүй үйлдэл, зан үйлийн талаар;
 - Сургууль дээр болон сургуулиас гадна зохион явуулж буй үйл ажиллагааны үеэр хүчирхийлэл, дарамт, мөлжлөг, үл хайхрах байдал, дээрэлхэлтэд өртсөн буюу өртсөн байж болзошгүй сэжгийн талаар;
 - Орон нутаг, тодорхой газар хүүхдийн аюулгүй байдал алдагдсан, хүүхэд хүчирхийлэл, мөлжлөгт өртсөн байж болзошгүй талаар;
- Мэдээллийг амаар, эсвэл Хавсралт 5-д заасан загвар мэдээлэх хуудсыг бөглөн өгч болно. Хүүхдийн эрх ашгийн төлөө нууцаар мэдээлэл өгч болно.
- Мэдээлэгчийн аюулгүй байдлыг эрхэмлэнэ. Мэдээлэгчид өс хонзон санах, аюулгүй байдалд нөлөөлөх аливаа үйлдэл, хандлагыг хүлээн зөвшөөрөхгүй.
- Тодорхой шалтгааны улмаас мэдээллийг холбогдох ажилтан, байгууллагын хүүхэд хамгааллын нэгжид өгөхөөс гадна орон нутгийн хүүхэд хамгааллын болон хууль цагдаагийн байгууллагад өгч болно.
- Сургуулийн орчинд гарсан хүүхдийн эрхийн зөрчлийг шийдвэрлэх арга зам;
 - Зөрчлийг мэдээлэх
 - Зөрчлийг бүртгэх
 - Зөрчлийг шалгах
 - Сургуулийн хүрээнд шийдвэрлэх
 - Салбарын хүрээнд шийдвэрлэх
 - Хариуцлага хүлээлгэх
 - Шүүхэд гомдол гаргах

3. ХАРИУ ҮЙЛДЭЛ ҮЗҮҮЛЭХ

Хүүхэд хамгааллын зөрчил нь хэзээ ч хүлээн зөвшөөршгүй зүйл гэж үзэж, ийм зөрчлийн талаар ирсэн мэдээлэлд хариуцлагатай хандана.

- Сургууль нь хүүхдийн эсрэг хүчирхийллийн талаар гомдол мэдээллийн мөрөөр ажиллахдаа хүүхдийн эрх, аюулгүй байдлыг хамгаалахад бүхий л хүчин чармайлтаа гарган ажиллана.
- Хариу үйлдэл үзүүлэхдээ уг үйл ажиллагааны улмаас хүүхдийг дахин хохирогч болгохгүй байхад онцгой анхаарал хандуулан ажиллана.

- Нарийн төвөгтэй асуудалд нухацтай хандаж бүх талд шударга хандана.
- Бүх мэдээллийн нууцыг чанд сахиж, асуудлыг цаг алдалгүй шийдвэрлэнэ.
- Мэдээллийг хүлээн авсан хүүхэд хамгааллын нэгж, байгууллагын удирдлагатай зөвлөж тухайн нөхцөлд тохируулан дараагийн алхмыг хэрэгжүүлнэ.
 - Хүүхдийн амь нас, эрүүл мэндэд аюул заналхийлсэн, хохирол учрахуйц нөхцөл байдал үүссэн тохиолдолд бол хүүхдийг аюулаас зайлуулах арга хэмжээг нэн тэргүүн авна.
 - Нэмэлт мэдээлэл цуглуулна.
 - Хэрэв тухайн асуудал нь гэмт хэргийн шинжтэй бол:
 - Хууль цагдаагийн байгууллагад яаралтай мэдэгдэж хэргийг шилжүүлнэ. Гэмт хэрэг мөн эсэхийг зөвхөн хууль цагдаагийн байгууллага тогтооно. Мөн тухайн орон нутгийн эрх мэдэл бүхий хүүхэд хамгааллын байгууллагад давхар мэдэгдэнэ.
 - Гэмт хэргийн шинжтэй хэргийн хохирогч хүүхдийн нөхөн сэргээх, хохирлыг бууруулах асуудлаар орон нутгийн хүүхэд хамгааллын байгууллага кейсийн ажилтан томилон тухайн байгууллага, шаардлагатай бол бусад мэргэжлийн байгууллагатай хамтран ажиллана.
 - Хууль цагдаагийн байгууллага болон орон нутгийн эрх мэдэл бүхий хүүхэд хамгааллын байгууллага явцын болон эцсийн үр дүнгийн талаар тайлан мэдээллийг тухайн хэрэг шилжүүлсэн байгууллагад бичгээр хүргүүлнэ.
 - Хэрэв тухайн асуудал нь гэмт хэргийн шинжгүй бол:
 - Буруутай этгээдийн асуудлыг дотооддоо шийдвэрлэнэ.
 - Хохирогч хүүхдэд нөхөн сэргээх үйлчилгээ үзүүлэх талаар мэргэжлийн үйлчилгээ үзүүлэх боломжгүй байгууллага орон нутгийн хүүхэд хамгааллын байгууллага болон мэргэжлийн байгууллагад холбон зуучилна.

ЗАН БАЙДЛЫН ТОДОРХОЙЛОЛТ ГАРГУУЛАХ ХҮМҮҮСИЙН ХАЯГ БОЛОН ГЭМТ
ХЭРЭГТ ХОЛБОГДОЖ БАЙСАН ЭСЭХЭЭ ШАЛГУУЛАХ ТУХАЙ

/Зан байдлын тодорхойлолт гаргах хүмүүс/

Таны зан байдлын талаар тодорхойлолт өгөх боломжтой таныг 2 жилээс дээш хугацаагаар таних 2 хүний нэр, холбоо барих хаягийг бичнэ үү! (гэр бүлийн гишүүдийг оруулахгүйгээр)

Тодорхойлогч 1:

| | |
|-----------------|--|
| Нэр: | |
| Гэрийн хаяг: | |
| Утас, э:шуудан: | |

Тодорхойлогч 2 :

| | |
|-----------------|--|
| Нэр: | |
| Гэрийн хаяг: | |
| Утас, э:шуудан: | |

Гэмт хэргийн улмаас шийтгүүлж байсан эсэх

Та өмнө нь ял шийтгэл эдэлж байсан уу? Тийм _____ Үгүй _____

Хэрвээ тийм бол, ял шийтгэлийн талаар бичнэ үү?

/Энэхүү мэдээллийн нууцыг сахих бөгөөд Хүүхэд хамгааллын хувьд ямар нэгэн эрсдэл байна уу гэдэгт байгууллагын захирал үнэлгээ хийхэд л ашиглах юм./

| |
|--|
| |
|--|

ХҮҮХЭД ХАМГААЛЛЫН ЁС ЗҮЙН ДҮРЭМ

Ёс зүйн дүрмийн гол зорилго нь: Хүүхдийг бүх төрлийн хүчирхийллээс урьдчилан сэргийлэх, хамгаалахад оршино. Гол зарчим нь байгууллагын ажилтны зүгээс хүүхэд хамгааллын эрсдэл, зохисгүй зан авир гаргахгүй байхад оршино.

| Эрсдэлийг үнэлэх: | |
|-------------------|--|
| Үргэлж анхаарах | <ul style="list-style-type: none"> ✓ Хүүхэд, том хүн хоёрын эрх мэдлийн зөрүүг ойлгож хүүхдэд дээрэнгүй хандахгүй байх ✓ Харилцааны зөв үлгэр дуурайл үзүүлэх ✓ Хүүхдийг хүмүүжүүлэхдээ бие махбодийн шийтгэл хэрэглэхгүй байх, эерэг хүмүүжлийн аргыг ашиглах ✓ Хүүхдийн хувийн нууцлалд хүндэтгэлтэй хандах ✓ Садар самууныг сурталчилсан хэвлэл, ном зохиол, зураг, кино, дүрс бичлэг бусад зүйлсэд хүүхдийг ашиглах нь тэднийг садар самуунд уруу татаж байгаагийн илрэл болохыг ойлгож, ийм зүйлсээс татгалзах ✓ Хүүхдийн өөрөө хийж чадах зүйлийг өмнөөс нь хийхгүй байх ✓ Хүүхэд хамгааллын зөрчлийг тэвчихгүй байх, мэдээлэх, асуудлыг нуун дарагдуулдаггүй, нээлттэй ярилцдаг соёлыг түгээх ✓ Ажлаа төлөвлөх, гүйцэтгэхдээ хүүхдийн амь нас, эрүүл мэндэд хохирол үзүүлж болзошгүй аливаа эрсдэлийг тооцож, сэргийлэх ✓ Хүүхдийн дунд гарч болзошгүй үе тэнгийнхний хүчирхийлэл, дээрэлхэлтийн талаар сонор сэрэмжтэй байх ✓ Хүүхэд хүн дамлан худалдах наймааны золиос болох, хорт зуршилд татагдах зэрэг хүүхдэд хор учруулах бүхий л үйл ажиллагаанаас сэргийлэх |
| Хориглох | <ul style="list-style-type: none"> ☒ Хүүхдийг цохих, зодох, тусгаарлан хорих зэргээр бие махбодын шийтгэл үзүүлэх ☒ Хүүхдийг гутаах, ичээх, доромжлох, дээрэлхэх, дорд үзэх, сэтгэл санааны дарамтад оруулах, нэр хоч өгөх ☒ Хүүхэдтэй бэлгийн харилцаанд орох, уруу татах, биеийг үнэлүүлэх ☒ Хүүхдийг бэлгийн харилцаа хандлагаар өдсөн тоглоом тоглох, шалиг үг яриа ярих зэргээр биеэ авч явах, бусдад тийм боломж олгох ☒ Хууль бус эсвэл хүүхдэд аюултай үйлдэл гарсан, түүнийг мэдсэн тохиолдолд тоохгүй орхих ☒ Хүүхдийн дэргэд хараал, бүдүүлэг үг яриа хэрэглэх, тамхи татах, архи согтууруулах ундаа, мансууруулах бодис хэрэглэх ☒ Хүүхдийг ямар нэг байдлаар нь ялгаварлан харьцах ☒ Үйлчлүүлэгчийн нууцтай холбоотой мэдээллийг хууль бусаар ашиглах, бусдад дамжуулах ☒ Үйлчлүүлэгчээс бэлэг, шан харамж, хууль бус төлбөр, хандив авах |

Хүүхэд хамгааллын ёс зүйн дүрмийг хүлээн зөвшөөрч хамтран ажиллах тухай

санамж бичиг

Дугаар ..

2022 оны дугаар сарын өдөр

..... овогтой миний бие нь Политехник коллежийн хүүхэд хамгааллын бодлогод дурдсан ёс зүйн дүрмийг уншиж ойлголоо. Би энд дурдсан зарчмуудыг хүлээн зөвшөөрч энэ байгууллагад ажиллаж байх хугацаандаа хүүхэд хамгааллын ёс зүйн дүрмийг хэрэгжүүлэхийн чухлыг ямагт санаж хүүхэд хамгааллын нэгжийн ажлыг дэмжин хамтран ажиллана.

Санамж бичгийг баталгаажуулсан: ПК-ийн захирал

Ю.Цолмон

Нийгмийн ажилтан

М.Сувд-Эрдэнэ

Багш

/гарын үсэг/

Хүүхдийн хувийн нууцыг хадгалах, хүндэтгэх журам

Ажил хэргийн зорилгоор хүүхдийн зургийг авах, хүүхдийн тухай мэдээллийг хэвлэл мэдээлэлд ашиглах тухай:

- Хүүхэд хувийн амьдрал, нууцлалаа хамгаалуулах эрхтэй. Мөн хүүхдийн эмзэг байдал, хүчирхийллийн хохирогч болсон эсвэл эцэг эхийн халамж анхаарлын гадна байдаг зэрэг байдал нь түүнийг дахин хохирогч болгох эрсдэлтэй байдаг тул хүүхдийг хэвлэл мэдээлэлд ашиглахдаа болгоомжтой хандана.
- Хүүхдийн зургийг авах, дүрс бичлэг хийхийн өмнө хүүхэд, хүүхдийн эцэг эх, асран хамгаалагчаас зөвшөөрөл авна. Мөн зургийг хаана, хэрхэн ашиглахыг тайлбарлана.
- Хүүхдийн зургийг болон хүүхдийн тухай мэдээллийг хэвлэл мэдээлэлд ашиглахдаа хүүхэд бүрийн нэр төрийг дээдэлнэ.
- Хүүхдийн зураг, дүрс бичлэг, DVD нь хүүхдийг хүндэтгэсэн байдалтай байгаа эсэхийг хянана. Хүүхэд тохиромжтой хувцасласан байхад анхаарна.
- Тухайн зураг нь тухайн сэдэв, үйл явдлын үнэн зөв төлөөлөл болж байгааг хянана.
- Хүүхдийн гудамжинд эсвэл асрамж халамжийн төвд амьдардаг эсвэл эрх нь зөрчигдсөн зэрэг эмзэг, эрсдэлтэй байдлын талаар мэдээлэл хийхдээ хүүхдийг танигдуулахгүй байдлаар зургийг авч, мэдээллийг өгнө.
- Компани, хувь хүмүүс хүүхдэд тусламж өгөх зэрэг үйл ажиллагаа нь сайшаалтай боловч тэдний энэ үйл ажиллагааг хэвлэл мэдээллээр сурталчлах явцад хүүхдийн нэр хүнд, хувийн амьдралд халдсан зөрчил гарч болзошгүй тул үүнээс сэргийлж, хүүхдийг танигдахгүйгээр зургийг авч, мэдээллийг өгнө.
- Зураг, файл нь хүүхдийн нууцыг хөндсөн эсэхийг сайтар хянан, хувийн нууцыг хамгаалан, үйл ажиллагаандаа зохих хэлбэрээр ашиглах зөвшөөрөл хүснэ.

Энэхүү журмын зүйл заалтыг зөрчсөн мэдээллийг холбогдох байгууллага, албан тушаалтан, байгууллагын хүүхэд хамгааллын нэгжид мэдээлнэ.

ХҮҮХЭД ХАМГААЛЛЫН ЗӨРЧЛИЙГ МЭДЭЭЛЭХ

Хаа нэгтээ хүүхэд дарамт, хүчирхийлэл, үл хайхрах байдал, мөлжлөгт өртөж болзошгүй, эсвэл өртөж байгааг мэдсэн хүн бүр байгууллагатаа болон зохих газарт хандан мэдээлнэ:

- Хүүхдийн нөхцөл байдал хүнд бол?
- Яаралтай туслах

Үгүй

Тийм

- Түргэн тусламж-(103)
- Цагдаа-(102),(105)
- дуудна

- Хүүхдийн тусламжийн утсаар ("108") хандах
- Сум ,дүүрэг, хороонд Засаг дарга, Тамгын газар, нийгмийн ажилтан, Хүүхэд, гэр бүлийн хөгжлийн төвд
- Аймаг, нийслэлд: Хүүхэд, гэр бүлийн хөгжлийн хэлтэс, газарт
- Хүний эрх, хүүхдийн эрхийг хамгаалах иргэний болон олон улсын байгууллага, салбарт хандах

- Байгууллагын захиргаа хүний нөөцөд давхар мэдэгдэнэ.

Хүүхдийн эрхийн зөрчлийн мэдээлэх хуудсыг бөглөх ба 24 цагийн дотор сургуулийн захирал, нийгмийн ажилтанд албан ёсоор мэдэгдэнэ.

Сургуулийн удирдлага, нийгмийн ажилтан хүүхдийн хамгааллын бодлого, ёс зүйн хэм хэмжээнд нийцүүлэн мэдээллийн мөрөөр арга хэмжээ авч шийдвэрлэнэ.

Зөвлөх, зааж сургах, сануулах

Сахилгын арга хэмжээ авах

Хүүхдийн эрхийг хамгаалах газарт, 108 утсанд мэдэгдэнэ

Орон нутгийн цагдаагийн байгууллага(102)д мэдэгдэнэ

Хүүхэд хамгааллын зөрчлийн талаар мэдээлэх хуудас

Хэрвээ та хүүхдэд ямар нэгэн аюул учирсан талаар мэдэж байгаа бол доорх хүснэгтийг бөглөнө үү?

1. Таны мэдээлэл

Овог, нэр: _____

Хаана ямар ажил эрхэлдэг: _____

Тухайн хүүхэдтэй ямар холбоотой болох: _____

Холбоо барих утас, хаяг: _____

2. Хүүхдийн мэдээлэл

Хүүхдийн нэр: _____

Хүүхдийн хүйс, нас: _____

Хүүхдийн гэрийн хаяг: _____

Хүүхдийн асран хамгаалагчийн нэр: _____

3. Хэргийн сэжгийн тухай, аль болох тодорхой бэлгийн, бие махбодийн, сэтгэл санааны хүчирхийлэл, шийтгэл, мөлжлөг, үл хайхрах байдал

4. Сэжиглэгдэж буй үйлдлийн он сар өдөр цаг _____

Сэжиглэгдэж буй үйлдэл хаана болсон бэ?

Тус үйлдлийг үйлдсэн сэжигтний нэр _____

Нэмэлт мэдээлэл _____

5. Бусад: